



**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 24. Vtinensis ciuitas à pestilentia prohibetur.

---

[urn:nbn:de:hbz:466:1-64112](#)

retanæ Virginis, cœperat. Quamdiu autem Guisius in Piceno statuua habuit, tanti exercitus manus spectaculo potius Lauretanis, quam damno fuere, Deipara clientes, non modo res suas tutante. Erant in eo exercitu permulti Caluiniana peste contacti, nulla tamen cohortium, nulla turmarum omnino extitit, quin ad primum Lautetanæ Basilicæ conspectum, religione tacta ad eam visendam, colendamque accesserit, vota fecerit, dona tulerit. Itaq. pergebant eo pacatissimis agminibus, alij post alios turmarum, & cohortium Duces: pacatores abibant, quam venerant, nuncupatis, aut exsolutis ante Virginis aram votis. Quin etiam in eiusdem gratiam, ante Aedem militari more ludicra inter se simulacula belli ciebant armis sagisque conspicui. Gratius deinde militaris pietas Deiparæ, Deoque spectaculum præbuit. Militum plerique sacra confessione abluti, sacrosancto Eucharistiæ epulo accubuerunt. Nonnulli etiam hæreticorum in rectam veritatis viam redueti, eiuratisque erroribus reconciliati Ecclesiæ: & confessionis, atque Eucharistiæ sacramentis expiati, Deipara etiam impiorum perfidiam, in Dei cultum pietatemque vertente.

*Vtinensis ciuitas voto B. Mariæ Lauretanæ nuncupata  
à circumserpente pestilentia prohibetur.*

Cap. XXXIII.

*Trad. Laur.  
Ann. Laur.  
Rier.* **P**Er idem tempus multis sane, ac varijs Lauretana Aedes est nobilitata miraculis. Vtina vrbs est Carnorum, magnitudine ac nobilitate vni Aquileiæ secunda. hæc maximum salutis discrimen Virginis ope discussit. Anno M. D. LV. atrox pestilentia Venetiæ fines, Carnosque peruagata, magnas edebat vbiique strages incolarum. Ergo primores ciuitatis Vtinensis cum serpere quotidie malum, & iam aduentare cernerent; consilium à necessitate

cessitate petunt: votoque publice nuncupato, Lauretanā Virginem inuocant, & suam ciuitatem eius committunt fidei, tutelæque. Nec illa clientium suorum vota, ac preces sefellit. Biennio quo grassata est lues, cunctis circa oppidis morbo exhaustis, ( adeo præsens B. Mariæ tutela fuit ) sola Utina communis mali perseuerauit immunis. Utinensis ergo ciuitas non in faciendis, quam in exsequendis votis religiosior, solemnī supplicatione indicta, Lauretum venit. Trecenti erant viri nobiles, quibus pulcherima Christi Crucifixi effigies præferebatur: omnes linteati, omnes ijsdem insignibus conspicui, cum donis vel publicis, vel priuatis, ad Lauretanam Aedem pariter procedebant. Limen ingressi prosternere corpora certatim humi, & collacrymantes ciuitatis suæ, ac suo quisque priuatum nomine ingentes Deo, Deiparaque grates agere coeperunt. Inde consurgentes fraternè se inuicem complexari: fletuque integrato mutuis se perfundere lacrymis. Et insignem à pietate ortam complorationem par eorum, qui aderant comploratio exceptit, nullo fere spectatorum in tam pio talium virorum fletu lacrymas tenente. Ad ultimum intrant sanctissimam cellam: Deiparaque Virgine enixe consalutata, apud eam munera deponunt. In his votiua erat tabula egregiè picta cum titulo:

GLORIOSISSIMÆ VIRG. LAURETANÆ  
OB SERVATAM A PESTILENTIA  
VTINENSEM CIVITATEM, ET AGRVM.  
SACRATISSIMI CRVCIFIXI SOCIETAS  
POSVIT DICAVITQVE  
AN. SAL. M. D. LVI.

*Cæcis duobus lumen oculorum restituitur.*

*Cap. XXV.*

**T**riennio post admirabilius etiam spectaculum Lau- Trad. Laur.  
retana Virgo, & incolis, & aduenis præbuit. Senen Ann. Laur.  
sis Rier.